

聚學軒叢書





聚學軒叢書第二集第五

宮	居
燦	十
金	養
可	

廋

徽

金

石

畷

十

廋

安徽金石略卷一

涇縣趙紹祖輯

貴池劉世珩校刊

安慶府

隋舒州容璨大師碑

無年月  
佚

薛道衡撰

在潛川

按唐獨孤及覺寂碑有二碑版之文隋內史侍郎

河東薛公道衡唐相國刑部尚書贈太尉河南房

公瑄繼論撰之是道衡有容璨碑也

趙紹祖識

唐太平興國寺碑

調露間

在懷寧

佚

太平興國寺碑乃調露年間碑圖經載為薛稷書又

有唐頴碑亦有古法

輿地紀勝碑目

按安慶府志載太平興國寺為元創明修不知唐

前已有寺殊為失攷 趙紹祖識

唐皖山祠碑 永淳元年 劉嘉哲撰 在懷寧 佚

唐永淳元年太湖縣尉劉嘉哲撰劉師憲書 輿地紀勝碑目

唐璨大師碑銘 寶應元年 房瑄撰 在潛山 佚

山谷寺容璨大師碑徐浩書在舒州 金石略

璨大師碑銘唐寶應元年房瑄文徐浩書 輿地紀勝碑目

唐天柱山天柱觀記 大曆五年 吳均撰 在潛山 佚

大曆五年吳均撰并書 墨池編

唐四絕碑 無年月 李華撰

集古錄云唐李陽冰篆并李華文張從申書 輿地紀勝碑目

唐舒州山谷寺上方禪門第三祖璨大師塔銘 大曆七年 獨孤

及撰 在潛山 佚 文載毘陵集

銘略云僧湛然等狀稱大師遷滅將二百年秀和尚  
寂和尚傳其遺言先朝猶特建靈塔且加塔冊諡大  
師法門津梁至今分骨之地未霑易名之典今因肅  
宗皇帝齋忌伏乞准開元中追褒大照等禪師例特  
加諡號兼賜塔額中書門下牒淮南觀察使牒奉勅  
宜賜諡號鏡智禪師

按此文雖題曰銘實無銘但記其追賜諡號事耳

時獨孤及爲舒州刺史也 趙紹祖識

唐山谷寺覺寂碑銘

大曆八年

獨孤及撰

在潛山

山谷寺智禪師銘唐大曆八年獨孤及撰張從申書

碑略云師號僧璨出見於周隋間遺骨此山二百歲矣庚戌某剖符是州明徵故事其茶毗起塔之制實天寶丙戌別駕趙郡李公常經始之而易名之禮朝廷多故未遑比邱釋湛然等以為請揚州牧御史大夫張公延賞以狀聞大歷七年夏詔册諡禪師曰鏡智塔曰覺寂以大德僧七人灑掃供養

碑陰記 咸通二年 張彥遠撰 佚

三祖大師碑陰記唐咸通二年張彥遠撰 輿地紀勝碑目

唐天柱山司命真君碑 無年月 楊淑撰 在潛山

楊淑文并書在舒州 金石略



按墨池編楊淑作楊琬 趙紹祖識

唐天柱山司命真君碑 大曆八年 在潛山 佚

徐浩八分書在舒州 金石略

天柱山司命真君廟碑 大曆八年立 輿地紀勝碑目

按吳均楊淑皆撰文并書自各爲一碑惟徐浩八

分書者或卽大曆八年所立之碑宋徐閔中真源

萬壽宮記有云道經云司命洞府在潛山唐明皇

帝嘗夢與之接於是發內庫繒帛遣使入山創立

廟貌是天柱觀始建於唐故一時碑版之文如此

其盛也 趙紹祖識

唐山谷寺三祖大師偈 建中三年 包吉撰 在潛山 佚

唐御史中丞包吉撰建中三年立 輿地紀勝碑目

唐李習之題名 無年月 在潛山 佚

李翱題名在舒州 金石略

李習之題刻在山谷寺見張商英遊潛山詩 輿地紀勝碑目

唐舒州新堂銘 無年月 李翱撰 在潛山疑當 在廬州 佚 文載李習之集

銘略云先時寢壤有隘其廬乃作斯堂高嚴旗旗吏

事既退齋心以居思民之病擇弊而鉏大旱之後鄰

邑成墟獨我州岷樂哉胥胥丞相所言乃下徵書復

官於朝以解前疽刻銘於斯永示羣舒

按安慶府志載入此文攷史李翱為廬州刺史時

州旱權豪賤市田屋而窶戶仍輸賦翱收豪稅萬

二千緡貧弱以安則此銘當在廬州不當在舒州也然輿地紀勝碑目亦收入安慶府銘末云以示羣舒廬州正羣舒之地或後人因此舒字而誤爲舒州耳

趙紹祖識

余初未見習之集但取新書翺傳觀之故妄有此說後得習之集讀之見其中有別潛山神文自云長慶二年來臨此邦遭罹炎旱淮左畢同鄰郡逃亡十家六空惟此舒人安業於農深悔其率因不復改易更綴數語於後以誌讀書不多妄作論斷之過且以示來者無蹈此失然余又疑本一事而史誤舒州爲廬州也甚矣讀書通曉之難也

趙紹祖識

唐金陵懷古詩無年月 杜牧撰 在潛山 未見

唐杜牧金陵懷古詩刻在三祖山石壁上天下金石志

唐左真人仙堂記開成二年 張虛白撰 在潛山 佚

潛山真君廟左真人仙堂記開成二年張虛白撰輿地紀勝碑目

按安慶府志潛山左真人仙堂在真源宮唐寶應

二年建開成五年張虛白記碑目云二年 未知孰是 後漢書

云左慈廬江人安慶府志云潛人潛地在漢屬廬

江郡蓋此為左慈祠也趙紹祖識

唐麴令祠堂記開成五年 在望江 佚

唐麴令祠堂記開成五年立輿地紀勝碑目

麴大夫祠在望江縣治北大夫墓前唐白樂天作秦

中吟哀之

安慶府志

按麴信陵吳縣人貞元六年爲舒州望江令及受代民遮道不得去得再任卒於官留葬焉民爲立祠白傅秦中吟本以誚罷官立碑之多愧辭者而未敘信陵之德政而終之曰無人立碑碣惟有邑人知然輿地紀勝碑目載麴令祠堂記蓋碑立於開成五年在白作詩後或因白詩而立之亦未可知也

知也

趙紹祖識

唐法華院額

無年月

在桐城

未見

法華院額在桐城唐宣宗御書

輿地紀勝碑目

法華寺在桐城縣東三十里梁昭明太子讀書處有

祠存寺額為唐宣宗筆 安慶府志

唐四面山大中寺碑 大中十三年 在太湖 佚

四面山大中寺唐碑在太湖縣北十五里寺有古碑

題大中十三年建咸通五年重修宋大觀中知太湖

縣孫勰記云大中帝者宣宗也其微時常避禍祝髮

為比丘周遊天下築庵隱於是 輿地紀勝碑目

吳開元寺碑陰記 李宗撰 佚

南唐順義九年李宗撰 輿地紀勝碑目

按順義是楊吳紀元云南唐誤也順義但有七年

無九年是又誤也 趙紹祖識

南唐丹霞府新泉記 保大二年 在潛山 佚

舒州丹霞府新泉記保大二年立 輿地紀勝碑目

按安慶府志載潛天柱山有峰曰丹霞峰有洞曰

丹霞洞而不言有碑則其亡已久矣 趙紹祖識

南唐文宣王廟碑

文宣王廟碑序徐 輿地紀勝碑目

南唐九疊松贊

九疊松贊徐 輿地紀勝碑目

按二碑當皆是徐鉉撰書碑目文缺不得其詳 趙紹

祖識

南唐保大中勅書石刻 在潛山 佚

保大中勅書石刻在三祖乾元寺

輿地紀勝碑目

南唐喬公亭記

保大十三年

徐鉉撰

在潛山

佚

篆法甚古保大十三年徐騎省記

輿地紀勝碑目

南唐雙溪院碑

保大十三年

徐鉉撰

集古錄云南唐徐鉉撰并篆記碑以保大十三年立

輿地紀勝碑目

南唐周將軍廟

保大十三年

徐鉉撰

在潛山

佚

周將軍廟碑保大十三年徐騎省記

輿地紀勝碑目

按宋周必大周將軍廟記有云五代時刺史周廷

構招其廟騎省徐鉉爲之記卽此碑也廟今在潛

山縣治南一里

趙紹祖識



宋天柱山靈仙觀記

太平興國七年  
潛山 佚

賈黃中撰

在

張編云興國七年舒州懷寧縣有老僧詣萬壽山取寶掘得鵝石刻誌公記云吾觀四五朝後次甲子年趙號太平二十一帝僧忽不見州以石刻來獻六月甲戌詔舒州修司命真君祠號曰靈仙觀九朝通略云太平興國四年嘉州亦有石文云趙二十一帝與地紀勝碑目

按徐閣中眞源萬壽宮記有云先是太平興國中靈仙觀旣成翰林學士賈黃中爲之記是黃中所撰卽此碑也 趙紹祖識

宋向處士墓誌

咸平五年  
慶府志

在太湖

未見

文載安

誌略云先生皖之熙人也少通經史晚憩息龍山之  
下朝夕與從遊講易凡所著作無不殫烟霞而擅靈  
最惜天未優之以後止生三女享年九十而逝咸平  
五年八月中秋夜越明年葬事成爲題其墓曰嗚呼  
松風黯黯木葉淒淒渺靈隱於荒外蕩浩魄於幽微  
萬古絕續來之約千秋無再覩之期誠恐陵谷變遷  
故刻石爲記庶先生傳不朽矣

按太湖志曰宋向榮處士也葬於龍山之麓萬厯  
甲申山水衝決得墓誌余考志中無諱榮字不知

十湖志何從得其名

趙紹祖識

宋潛山黃先生墓誌

熙寧六年  
肅集

劉摯撰

文載劉忠

誌略云先生諱孝綽字公裕姓黃氏世爲建之浦城人自其考徙居於舒州之太湖今爲太湖人舒之望曰潛山其下號丹霞府先生遊而樂焉因自號潛山叟先生居鄉鄉人化之至相語曰無或作非使黃先生知也其子莘居官每歸省必問治事其當於義理則歡然爲之飲酒熙寧三年二月十日卒享年七十有四子五男莘著作佐郎勤執荀遽皆服儒六年著作君以書謂予曰自莘祖不克歸闔葬於太湖今莘又以仕來北方不敢以柩行于是卜地得鄆州須城望山而口得十二月之壬申幸畀之銘摯于是論次而爲之

按黃先生葬於鄆州其銘本不當載於安徽金石  
中以其爲太湖人而太湖志不載故附著之使後  
之人攷而錄焉

趙紹祖識

宋朝奉郎致仕黃君墓誌銘

元祐八年  
載劉忠肅集

劉摯撰

文

誌略云君諱莘字任道姓黃氏皇祐五年登進士第  
爲天長主簿徙清河令前時黃河在境歲輸芻茭後  
河去猶賦之積逋十四萬鞭笞不已君條列于朝悉  
蠲之歲饑部使者不肯賑遂發寧化鎮倉人賴以活  
改著作佐郎知濟陰縣神宗卽位遷秘書丞廣濟河  
決破南堤以分水水去病他邑君曰此于法最重其  
可以累他人亟自劾韓魏公等論掾朝廷亦嘉君意

止奪一官免邑人繪君事之丁艱服除復官召對上  
猶以濟陰事勞之累遷陝西提點司獄召入尙書省  
爲職方員外郎轉承議求補外知汝州元豐八年今  
上嗣位遷朝奉郎以足疾請致仕十二月四日卒于  
州舍君爲布衣時間舒州望江令豐有孚能吏以誣  
繫獄卽馳見轉運使王素白其寃素立釋之君故不  
識有孚有孚亦不知也集四十卷藏於家元祐八年  
十月葬于鄆州須城之望山其父潛山先生墓次摯  
爲作銘

按此誌在鄆州以黃君本太湖人仕有功績而太  
湖志不載故特附而詳之

趙紹祖識

宋此君堂詩

元符二年

黃庭堅撰

在桐城

未見

黃山谷撰并行書在桐城

寰宇訪碑錄

宋涪翁亭銘

向子諲撰

在潛山

未見

向子諲作在潛山

天下金石志

宋黃山谷騎牛像

在潛山

未見

李公麟畫刻於石牛洞

天下金石志

宋真源萬壽宮碑

政和七年

徐閣中撰  
文載安慶府志

在潛山

碑略云太宗皇帝煥新祠宇以仙觀名之主上政和

七載詔以真源萬壽名其宮以慶基名其殿揆日庀

徒載加營飾合新舊屋三千六百餘間臣被詔總其

事乃為之記

宋小孤山神廟記

紹興初

張浚撰

在宿松

佚

按陸放翁入蜀記云小孤廟在小孤山之西麓額曰惠濟神曰安濟夫人紹興初張魏公自湖湘還嘗加營葺有碑載其事是魏公有此碑矣今宿松志不載而載放翁小孤山記然此是入蜀記中一

段非遊小孤山記也

趙紹祖識

宋周將軍廟記

淳熙十一年

周必大撰

在潛山

佚 文載安慶府志

記略云必大以郡牧來守茲土訪詢祠宇得于州城之南荒圃之中則五代時刺史周廷構所拓然風雨不庇廟像不立惕然歎曰惟周氏所當爲者乃以癸卯十月刻像而祭之築宮而事之且繪其成功於壁

按廟在潛山而記云州城者端平三年始徙府治於羅刹州元至治三年始於故城置潛山縣也癸卯是淳熙十年廟建於十年而碑立於十一年也  
趙紹祖識

元望江縣儒學講堂記

皇慶二年 陳天民撰 在望江 佚 文載江南通志

記略云雷川縣故有學燼於兵火假宮薌江前尹張公魯瞻以先聖遺像巋然獨存遂載以歸後元公榮爰卽舊址起立黌宮至元辛丑正室成大德丙午始建東西廡及門獨講堂有未暇皇慶二年春天民承乏來茲始撤而新之

按雷池雖在望江然未嘗以雷川名縣此當攷之



趙紹祖識

元小孤山新修一柱峰記

延祐五年  
松 未見

虞集撰

在宿  
文載宿松縣志

記略云延祐五年以聖命召吳幼清于臨川七月二

十八日舟次彭澤明日登小孤山舊有亭在山半宋

江州守厲文翁所築距今六十二年曾不可徙倚是

時邑令咸在問守者曰非彭澤所治乃憮然去明日

過安慶府判李侯維肅故人也因以告之侯曰此吾

土也吾為子新其亭而題曰一柱可乎子為我記之

至池陽求通守周侯南翁為吾書之以來李侯真定

人

元南池寺碑記

至元元年

趙世延撰

在宿松

存

南池寺在宿松縣東南九十里寺有元碑至元改元

魯國公趙世延撰僧咲隱篆守忠書 宿松縣志

元小孤山鐵柱記 至正間 柯本深撰 見 文載宿松縣志 在宿松 未

記略云小孤號海門第一關操舟者失勢檣傾楫摧

馮君克敏為彭澤簿欲作一大方便事未果越二載

丞廬陵乃鑄一大鐵柱長三丈有奇俾舟子有所憑

藉攀援以濟險柱成未立調寧海心搖搖不忘天歷

改元有自江鄉來盛歎鐵柱巍然江澣乃知有存心

利物者成就之自延祐七年歷至正始償其事此豈

可使名姓湮沒余為刻石列記

按記前已云天歷改元鐵柱巍然江澣後又云自

延祐歷至正始償其事所未詳也

趙紹祖識

元三孝堂記

至正六年 吳翺撰 文載安慶府志

在望江

未見

記略云昔晉王祥孟宗唐徐仲源三孝子異代不同里閭而孝蹟並著於望江宋紹興己卯宰趙師傳創純孝亭於縣南南臺寺之側淳熙戊申宰趙師循因亭基建祠繪三賢更名崇孝祠後毀於兵至正丙戌上庠國子生程宗以學行果京秩出宰是邑捐俸鳩工建三孝堂復孝子之後以奉祀事親爲文以刻碣邑士大夫服公志義咸願勒堅石以敷厥燬以垂至孝於不朽

按三孝惟徐仲源爲望江人王祥孟宗皆寓公也

今邑有臥冰池泣竹臺寰宇記云孟宗宅在望江縣北一里卽泣竹生筍處則其傳已久矣又按記云宗親爲文以刻碣似程自有記而安慶府志望江縣志皆不載當更訪之

趙紹祖識

元大節堂記

至正十四年

余闕撰

在懷寧

存

記略云宗正郎中韓建之守安慶也在官三年潁六之盜起明年十一月盜入宿松破太湖明年春入桐城來攻城君擊之盜敗去自二月至九月盜來攻者十有一大小百餘戰皆敗之盜大忿悉眾而東王師敗績於小孤十月盜至城下民恐甚來胝君部署如恆日民乃安屢戰卻之盜夜引去余來戍郡道聞城

陷比至乃完問其故父老曰韓君完我曾子所謂臨  
大節而不可奪者君其人歟余抵郡十日盜復大至  
余與君率眾殲之盜不至者今再期矣余因名其廳  
事曰大節之堂

元安慶城隍顯忠靈祐王廟碑

至正十六年  
在懷寧

余闕撰  
文載

青陽山房集

右碑淮南行省參知政事余闕撰分隸道整而閑逸  
廷心篆隸名家此自書無疑公大節彪炳古今獨其  
贈諡諸書所載互異元史本傳稱追封幽國公諡忠  
宣程國瑞序青陽集云諡文忠追封夏國公張紳以  
爲初贈夏國諡忠愍改贈幽國諡忠宣丁鶴年又稱

文貞公宋景濂手定元史而集中余左丞傳亦作文  
忠未審孰得其真因錄此碑附及之

潛研堂金石文  
跋尾續

按碑云五月之望里俗相傳神生之日也張百戲  
遊像輿於國中盡三日而後止今安慶城隍會甲  
於一省率於五月望日卜日蓋猶沿其舊碑又云  
穎六盜起舒大小格鬪百餘率咨神而行盜未一  
日得志民相率出泉新廟又請於朝乞崇其號中  
書下其事太常博士議升神於王號顯忠靈祐十  
四年夏四月報下是安慶城隍之稱王實始於元

時也

趙紹祖識

安徽金石略卷一終

安徽金石略卷二

涇縣趙紹祖輯

貴池劉世珩校刊

徽州府

梁呂竭記

大同元年  
載歙縣志

呂文達撰

在歙縣

佚文

記略云文達家世南陽父安國宋直閣將軍母袁氏以泰始元年生文達於臺先直閣將軍愛之凡征伐攜以從齊受宋禪魏師攻壽陽勅先將軍救之因援胸山歿於陣時建元二年九月十二日也文達非材蒙擢侍中永明十一年武帝封次子昭文為新安王遷文達為內史代王之郡治事鬱林廢黜新安即真達以字犯主諱改名明遠高宗自立廢主上為海陵

已而弒之余聞欲納職歸朝妻父王晏貽書止余又  
三年外父被殺父友沈文季復書語余深自韜晦於  
是問舍求田迺於繼室鄭氏所居之右築室而家焉  
新安爲郡山多田少惟湖田一坂首尾約十里左右  
半之中有湖名呂莫知何人所浚潴水以澆湖下之  
田天監初湖條堙塞余因憶往年侍先將軍救壽陽  
時豫州刺史垣崇祖堰肥水以灌魏師可爲法則於  
是同妻兄孟公相地高下率民疏鑿築而捍之約高  
五丈有奇橫闊二十餘丈引水入渠灌田一萬餘畝  
經始於大通元年八月成於十一月荒郊斷隴不動  
桔槔而年書大有椎牛炮羔烹鮮載膠舉盞請曰願



請厥名余曰昔湖以呂名今竭亦以呂名何如諸君  
子更欲俎豆我竭上之濱余何德足當此乎顧余老  
景尋侵傳宗乏嗣得吉所居之北於大同元年十一  
月營壽藏以爲吾夫婦歸真之所刻像於竭上之亭  
苟不紀錄後人罔知後之覽者亦將感於斯云

唐興唐寺碑

無年月

呂渭撰

在歙縣

佚

興唐寺碑唐呂渭文在歙縣

輿地紀勝碑目

太平興國寺在郡城練水西舊名興唐寺唐至德二  
年建宋太平興國中勅改今額

徽州府志

唐披雲亭記

貞元十八年

張友正撰

在歙縣

佚

記略云處高明所以蕩陰滯臨顯敞所以窮遠睇州

之陽漸乎水水之陰攢乎山山有佛寺而迴廊翼旋  
飛閣雲褰萬家井邑在我宇下實一方之勝概也柱  
史魏公命駕遊焉美其中峰聳絕靈氣紛郁乃竦勁  
策躍輕屐絕蔓梯崖徑造其巔高哉曠乎果天下之  
絕境也乃命剗鑿巖夷翳蒼心匠密構亭形虛無然  
後跨峻谷掖修木疊石爲趺無尋丈之地其崇卑廣  
袤與斲樸朽塗之節稱焉自公之暇理於茲撫傷夷  
懷流離而猶阜俗康民之志歎如也歙人披公之仁  
化異日攀公之轅不及則必瞻此亭也友正家在此  
山之下獲遊此亭之上思刊懋績輒課庸詞貞元壬

午夏四月記

按歙志張友正字正甫結廬城陽山下貞元末魏  
宏簡爲宣歙副使建披雲亭請爲記趙紹祖識

唐南源古寺記 大和三年 在歙縣 佚

南源古寺在歙縣長陔唐大和三年建祀梁武帝暨

寶誌有古碑存 徽州府志

唐祁門新路記 無年月 范傳正撰 在祁門 佚

在縣南十三里古隄上唐刺史范傳正詞今亡 徽州府志

唐漢洞院碑 大中時 在歙縣 佚

漢洞院碑在歙縣新安志云今院有南唐錄大中字碑

輿地紀勝碑目

漢洞院在歙縣仁愛鄉富資里漢洞唐大中間建 徽州

唐歙州汪王廟記

天復二年汪台符撰  
佚 文載十圍春秋注

在歙縣

記略云武德四年高祖下制曰汪華往因離亂保據  
州郡識機慕義遠送欵誠可使持節歙宣杭睦婺饒  
六州諸軍事貞觀二十三年建祠堂元和三年刺史  
范傳正遷於南阜迄今司空潯陽公景慕英塵經始  
靈宮台符越公之裔潯陽之吏祖能神主能賢辭或  
不直作神之羞辱主之命壬戌十一月十一日汪台  
符謹記

按陶雅為楊行密將既下歙以為歙州刺史加檢  
校司空潯陽公汪台符歙人唐天復初為陶雅幕

客記作於是時也台符承雅命作汪王廟記而文  
但曰越公蓋汪王者土人之稱台符雖其裔孫亦  
知其非是而不敢著之文筆故曰辭或不直作神  
之羞辱主之命其識過於今人遠矣 趙紹祖識

唐密多院記 乾符元年 沙門如覺撰 在休寧 佚

唐密多院記在休寧縣 天下金石記

在履仁鄉太平里唐乾符元年建 徽州府志

唐婺源縣古縣記 無年月 佚

見新安志本縣沿革下 輿地紀勝碑目

唐飛龍巖字 呂純陽書 在婺源 佚

唐飛龍巖字呂純陽書在婺源縣 天下金石志

楊吳問政先生碑記 順義間 方訥撰 在歙縣

吳順義中方訥文在歙縣 輿地紀勝碑目

問政山在歙縣東二里一名畫屏唐有于方外者自

荆南掌書記棄官從太白山道士學養氣之術其從

弟德晦刺史歙州方外來訪德晦為築室山上居之

號問政山房邑人聶師道師事方外後入楊吳為國

師因號問政先生銀青光祿大夫方訥為之文 徽州府志

南唐婺源縣增築新城記 天復初 劉津撰 佚

婺源縣唐治在清華中和二年鎮將汪武移治弦高

鎮天復初建鼓角樓并挾城樓 當南唐昇元二年 檢校司空

劉津集所轄四縣人民增築新城北東南繡水環繞

因以為池西築西湖又建衝山一營北築平蛇穴接  
蛇城周九里三十步啟昇元二門津自為記

徽州府志

南唐歸真觀碑

無年月

徐鍇撰

在歙縣

佚

歸真觀碑江南徐鍇文在歙縣

輿地紀勝碑目

興道觀在問政山唐世築室號問政山房道士于方  
外聶師道相繼居之吳順義七年師道葬此山楊氏  
立壇給田以其故居為歸正觀宋天禧四年勅改今  
名

徽州府志

南唐靈泉院碑

在歙縣

佚

祥符寺中有南唐碑初名靈泉院宋祥符中改今額

汪澤民遊黃山記

唐建石門寺記 無年月 宋杜昱撰 在休寧 佚

唐韋綬建石門寺記 宋杜昱撰 在休寧縣 天下金石志

宋重修郡廨碑 無年月 孫彭撰 在歙縣 佚

宋重修郡廨碑 通判太子右贊善大夫孫彭文 徽州府志

引羅願新安志

宋通判廳壁記 無年月 黃慶長撰 在歙縣 佚

宋御前三榜碑 端拱中 馮起撰 在歙縣 佚

御前三榜碑 端拱中通判著作左郎馮起文 徽州府志引羅

願新安志

宋夫子廟記 景德中 趙昂撰 在歙縣 佚

景德中知州直史館趙昂文 徽州府志引羅願新安志



宋應鵞羅漢碑

雍熙中

梁鼎撰

佚

雍熙中通判梁鼎文

徽州府志引羅願新安志

宋建許真君祠碑

碑有二其一梁鼎文其一通判太常博士王臯文

徽州

府志引羅願新安志

宋大中大夫行刑部侍郎致仕上柱國賜紫金魚袋俞

公墓誌銘

慶曆六年

劉摯撰

在歙縣

文載原父

誌略云公諱獻卿其先河間人晉永嘉之亂徙居黟

歙歷官至刑部侍郎致仕慶曆五年四月終年七十

六明年某月葬歙縣某原從先人居

宋廣西轉運使孫君墓碑

皇祐三年

佚

王安石撰 在文載臨川集

碑略云君少寄食浮屠山中步行借書數百里升樓誦之而去其階遂博習天下之書天聖五年同學究出身再舉進士甲科歷仕知潯州擢監察御史彈奏狄武襄不當沮敗劉滬永洛城事又因日食言陰盛以後宮爲戒仁宗獵明日將復出君奏止出知復州累遷提點江南西路刑獄有言常平歲凶當稍貴其粟以利糴本者君言此非常平本意詔從之儂智高反君轉芻粟師飽有功以勞遷司封員外郎皇祐三年三月卒於治所君諱抗字和叔姓孫氏其在黟縣自其高祖棄廣陵以避孫儒之亂君以其卒之年十二月二十五日葬黟縣懷遠鄉上林村子上黨縣令

邈狀其行以求臨川王安石銘

宋永州軍事推官孫君墓銘

至和二年  
黟縣 佚

曾鞏撰  
文載南豐類

稿

誌略云黟縣孫氏有起進士爲工部郎中廣南西路  
轉運使以卒者諱抗以文學見於世其葬在黟之上  
林有子亦起進士爲永州推官以卒卒年二十有八  
者諱適亦以文學見稱葬在其父之左將葬其弟邈  
以告而乞銘於南豐曾鞏君年十四往從臨川王安  
石受學後主越州上虞簿去以父恩得永州父卒萬  
里致喪疾不忍廢事旣葬攜扶幼老將就食淮南疾  
革遂卒於池州大安鎮寶至和二年

宋呂大防書斷石二字 無年月 在休寧 存

在休寧縣西南三里下臨深溪巨石從巖巔飛墜橫  
支水面堆疊成臺神剝鬼劈其形髣髴尙可湊合宋  
令呂大防書斷石二字臺平曠可坐清流環繞駕橋  
懸渡橋頭一石如巨人當門名曰雲頭爲附郭最勝  
景 徽州府志

宋黃山谷書問政先生誥後 無年月 在歙縣 存

問政山有興道觀又有鐘樓峰峰後爲寶相寺寺側  
有泉及豫章黃山谷書問政先生誥後 徽州府志

宋黃台問政山詩 無年月 在歙縣 存

問政山絕巖下刻有宋黃台詩 徽州府志

按詩爲七言二十韻 趙紹祖識

宋婺源縣遷學記 熙寧三年 孫覺撰 在婺源 佚

宋婺源廟學慶厯間建於縣東熙寧中知縣事劉定

遷縣西中丞孫覺記 徽州府志

宋歙州徙學記 紹聖二年 黃誥撰 在歙縣 佚

先聖廟及學自唐至宋在城東北隅太平興國三年

知州事蘇德祥遷烏聊山上嘉祐四年徙於南園熙

寧四年復遷烏聊山元祐初再徙南園紹聖二年復

徙東北隅郡守黃誥記禮部米芾書 徽州府志

宋聖僧山記 無年月 張商英撰 在歙縣 佚

唐武德閒僧慧明居此故名下有泉凝碧修廣數畝

曰靈塘左為洗眼池山巔下有石曰仙人幢宋南渡

時有道人鵠亦常居此宋張商英有記徽州府志

按明何如寵詩云開山千古事殘碣尙堪尋似前

明時碑記尙存也趙紹祖識

宋婺源新開巽泉記無年月 王汝舟撰 在婺源

按碑載程敏政新安文獻志而徽志山水門不載

巽泉遂未有以考趙紹祖識

宋勅賜靈虛觀記大觀元年 朱彥撰 在黟縣 佚

記略云靈虛為觀黟之最佳處也觀初名洞靈去縣

一里許龍尾山環之化為污萊之區元豐中有紫炁

覆其上得天尊像一軀邑人禱祀輒應合言之州願

復爲觀選祁門道士范處修主之凡二十年而觀成  
廣十餘畝周數百楹崇寧四年處修走京師圖上其  
事乞賜名制曰可遂賜今名余時爲淮南江浙荆湖  
制置發運使處修過謁曰觀成得名公記之始余使  
江東常過是觀處修以未得賜名爲恨余曰徒外門  
直內後當得名已而果然乃爲之記大觀改元仲春  
月二十七日

按碑朱彥撰洪中孚篆額久亡今存觀中者明正  
德六年黟知縣楊傳所重立者也

趙紹祖識

宋主簿胡君墓誌銘

政和六年

汪藻撰

在婺源

誌略云安定胡者君族姓也霖君濟君字名也世家

佚 文載浮溪集

歙之婺源嘗得奉新主簿以歸者君爵里也年五十  
三以政和二年歿牖下六年冬十二月卜其家百步  
西園之右葬焉

宋婺源縣清泉亭記 無年月 胡剛撰 在婺源 佚

石井在婺源縣西南三十里汪藻建清泉亭於其上

博士胡剛記 徽州府志

宋故潁川汪公墓誌銘 重和二年 葛長卿撰 在黟縣 存 文載黟縣志

誌略云政和七年正月潁川汪公卒年七十有九卜  
以重和二年正月葬居之南雙溪東龍潭北其孫楫  
以行狀丐銘於長卿公諱維佐黟縣人家世業農桑  
公尤善治生貲獨厚村之前有泉竇甚早不涸百家



聚汲澣濯公判爲二池汲於上濯於下募良工鑄石  
孟精林梓路靈泉四院之鐘城之北有雙溪合流湍  
悍病涉出泉二十萬爲橋五丈有奇姪廣州司錄舜  
昭名之爲利涉橋西有溪雨暴集則奔衝潰割瀕溪  
之田歲比不收乃相高規豬堰用工萬計正曲爲直  
不復害公所爲初不爲己利可以無愧於幽明矣

按黟志此銘於乾隆五十三年大水冲出今在勒  
下汪氏祠內以其近出故稍詳之葛長卿者時官

祁門令

趙紹祖識

宋長慶院塔刻字 宣和三年 在歙縣 存

在歙太平十寺長慶院前高七級舊有縷字云宣和

三年訪擊使畢永朗永充供養

徽州府志

宋徽州新城記

宣和四年

羅似臣撰

在歙縣

佚

記略云宣和庚子方臘竊發燒劫殆盡蓋緣城壁不

修至壬寅年製輒繕完可保永固

宋清風堂記

無年月

汪藻撰

在婺源

佚

在婺源縣治宋知縣事叔孫元功建汪藻記

徽州府志

宋婺源縣虹井記

無年月

朱韋齋撰

在婺源

佚

一名韋齋井在縣治南今在文公闕里西宋韋齋先

生朱松故居松生日井中有白氣見松嘗為井銘曰

道寓斯人如水在地汲之愈深有味外味後晦庵生

日井中又有紫氣見故後人號曰韋齋井

徽州府志

宋休寧縣遷學記

紹興六年 洪适撰  
文載休寧縣志

在休寧 佚

宋慶厯間卽縣治之東街爲屋數間以奉先聖紹興六年錫山陳之茂來爲縣尉遷於縣南門外之左郡

守洪适記

徽州府志

記略云新安領百里者六休寧最大宜有學而亦無以應令紹興六年南蘭陵陳公尉縣邑秀民爭北面講席戶內人滿率坐戶外則相與度地於縣南爲屋五十楹基於次年春正月成於秋八月又買書千餘卷陳公日來與諸生講說故應鄉書士不半百自是常過八百人拔第于庭者踵相躡後二十有二年余爲其州邑彥鄞尉吳偁道校官始末求書其事於石

安微金石記卷二  
陳公名之茂字阜卿今以左承議郎佐秘書著作

校遷學在紹興六年之次年則七年也而記作於

二十二年後則立石在紹興二十九年也趙紹祖識

宋風月堂記

紹興間 洪适撰 在歙縣 佚

在府治宋紹興間監郡章浩建洪适記徽州府志

宋武亭山登路記

紹興間 汪必達撰 在黟縣 佚

在黟縣西南十八里武陵之水出焉危巔削壁過者

難之宋紹興庚寅縣人黃元暉登路往來便之知縣

汪必達有記

徽州府志

校紹興無庚寅疑徽志有誤趙紹祖識

宋景蘇樓詩刻

紹興間 在績溪 未見

在績溪縣署貯爲秋風堂宋紹興間邑宰曹訓摹前  
令蘇轍遺像及所爲詩鐫於石建樓貯之曰景蘇州  
府志

宋靈惠廟碑 乾道二年 在黟縣 存

靈惠廟在縣西十五里上堂山祀胥公禱雨有應宋  
乾道時勅封善應侯 黟縣志

按碑前載紹興二十七年十二月牒爲禮部狀準  
下江東路轉運司奏據徽州申據黟縣申父老士  
庶黃汝霖等狀言神於方臘入境保全生靈及祈  
雨雪皆應乞賜勅額以及本司保明是實及本部  
行下太常寺勘會與太常寺申先賜廟額靈惠廟

事後載乾道二年二年封神善應侯勅更不著一語但據事直書質直有體可見宋時申請及委驗體究核實次第之法 趙紹祖識

宋婺源縣遷學記

乾道四年

洪邁撰

在婺源

佚

文載徽州府志

記略云諸生言學宮在西邊九十五年地勢黯昧當徙而趨新乾道戊子令彭君烜以請於部使者而俞且致錢五十萬遂遷於城東驛其冬廟殿及藏書閣垂成矣會郡守疑縣以計科斂換健吏鉤計之亡一詞始聽成之然首議者倦謝工遷徙獨殿閣棲棘籬中望之愀然又三年後令洪君邦直至瞿然悼前故卽出郡錢六十萬使訖役有頃宮成雋秀士滕生恪

告鄱陽洪邁曰願有以記嗚呼事難興而易敗今是役歷四年閱兩令而始不潰於成余故詰曲登載以驗其至難而記之

按記學成於後令洪邦直去戊子又三年當是乾道七年辛卯學始成也徽志但云乾道四年彭烜

遷學似有未悉

趙紹祖識

宋朱文公名堂室記

無年月 朱子撰 在徽州府 文載徽州府志

紫陽書院自宋淳祐六年丙午州守韓補始作於城南門外理宗賜之額初韋齋先生刻印章曰紫陽書堂後文公取之以榜其廳事故作名堂室記

徽州府志

記略云紫陽山在徽郡城南五里先君子故家婺源

少而學於郡學遊而樂旣家閩中以紫陽書堂刻其  
印章蓋未嘗一日忘歸也將歿命其孤熹居漳溪之  
上今三十年矣貧病旣不能返故鄉又不能大其闔  
閭敬以印章所刻榜所居廳事庶幾後世有考焉先  
君子又自病卞急宰尤溪時取佩韋之義榜廳事曰  
韋齋中更盜火無復遺跡近歲友石君子知縣事始  
復榜焉熹躁迫滋甚尤不可忘先人之戒則又取而  
揭之於寢以自鞭策晦庵者燕居之所也熹生十有  
四年先君子遺命學於籍溪胡公先生草堂屏山二  
劉先生之門而屏山獨嘗字而祝之曰木晦於根春  
容豔敷人晦於身神明內腴後事延平李公先生而



所謂晦者猶屏山之志今乃以是名堂以示不忘諸  
先生教堂旁兩夾室外曰敬齋右曰義齋蓋讀易而  
得敬以直內義以方外兩言又讀中庸而見修道之  
教必以戒慎恐懼爲始而得夫持敬之本讀大學而  
見明德之序必以格物致知爲先而得夫明義之端  
既而觀二者之功一動一靜又合乎周子太極之論  
然後知天下之理無不貫乎一者因以敬義名二齋  
且歷敘所以名天堂室之意以見受命於父師與區  
區講學之意如此書之屋壁觀省以自詔云

按徽州府志載此於紫陽書院其實記非爲書院  
作也觀者讀記自明亦無須演說耳

趙紹祖識

宋婺源縣藏書閣記

朱子撰 徽州府志

在婺源

未見

文載

記略云婺源學宮講堂之上有重屋焉榜曰藏書而未有以藏莆田林侯處知縣事始出其所寶大帝神筆石經若干卷以填之而又廣市書凡千四百餘卷列庀其上俾肄業者得以講教而誦習焉熹故邑人而客於閩茲以事歸而拜於其學則林侯已去而仕於朝矣學者猶指其書以相告語感歎相率謂熹盍記其事是爲記云

朱尊德性齋銘

無年月 朱子撰 銘載婺源縣志

在婺源

未見

在婺源環溪宋知錄程洵建初名道問學朱子易名

復爲銘

徽州府志

銘曰維皇上帝降此下民何以予之曰義與仁維義與仁維帝之則欽斯承斯猶懼弗克孰昏且狂苟賤污卑淫視輕聽惰其四肢褻天之明慢人之紀甘此下流眾惡之委我其鑒此祇栗厥心有幽其室有赫其臨執玉奉盈須臾顛沛任重道遠其敢或怠

宋休寧縣古城巖兌卦碑

無年月

在休寧

存

在城東十里卽萬歲山上有歙州治舊基下有巨石

宋邑宰鄒補之隸書兌卦摩崖

徽州府志

宋廣惠王廟記

無年月

鄒補之撰

在休寧

存

汪王故宮在古城山宋爲廣惠王廟縣令鄒補之記

徽州府志

宋南源古寺後山朱子題字 在歙縣 存

南源寺在長垓唐大和閒建寺後有五峰前有三瀑

布朱子嘗書新安大好山水六字鐫石壁 大清一統志

宋休寧縣修學記 淳熙五年 吳儆撰 在休寧 未見

淳熙戊戌主簿傅本修之邑人吳儆記 徽州府志

宋竹洲記 淳熙五年 吳儆撰 在休寧 未見 文載竹洲集

在休寧商山藍水傍宋吳文肅公儆奉祠終養築室

娛親處因自號竹洲居士自為記 徽州府志

記略云淳熙戊戌有旨擢守邕管儆言有父八十上

為惻然改畀祠祿乃即舊居稍稍葺治前有洲廣可

數畝舊有竹千餘竿因其地勢窪而坎者為四小沼

深其一以蓄魚鼈備時羞其三植荷花菱芡以佐觴  
豆乘地之高竹之陰爲二小亭一曰流憩一曰靜香  
亭之南爲堂三間堂之北爲小齋堂名仁壽齋名靜  
觀循徑而南有堤據堤爲二亭曰遐觀曰風雩時奉  
壺觴奉老人及致老人之所狎者倘佯其中噫能使  
余忘貧賤安農圃而無復四方之志者非斯洲與

宋古城汪王廟記

淳熙六年

鄒補之撰

在休寧

佚

文載休寧縣志

記略云萬安山在隋唐爲歙州治所舊有城曰古城  
俗曰古城下有市亦曰舊市吳孫權分歙置休陽治  
靈鳥山後避孫休諱改海陽移治萬歲山晉改海寧  
隋平陳改休寧大業末靈惠英濟顯靈王起義閭里

保宥歙宣杭睦饒婺等六州實寓治此土唐武德間  
歸義封越國公授歙州刺史持節都督六州諸軍事  
貞觀初罷都督後爲州天寶十三年移休寧於邑西  
十三里卽今治也皇朝宣政間改歙爲徽而萬歲山  
以語近指斥故更爲萬安焉王後歸朝薨長安歸葬  
於績溪之登源至祥符二年封靈惠公政和二年賜  
廟號忠顯七年進封英濟王宣和加顯靈故城以王  
所依憑道人吳智誠始斥大而新其祠經始於乾道  
壬辰鳩工於淳熙己亥智誠礮石請記刻之

宋程宜人胡氏墓誌

淳熙六年

周必大撰  
文載黟縣志

在黟縣

誌略云宜人胡氏故朝散大夫致仕程公晉之室今

給事中叔達母也黟縣人給事少年登進士第一人佐  
天府大夫宜人年皆七十餘居無何長子叔向次子  
叔達相繼死宜人始忽忽不樂頗苦微恙給事始亟  
求通州以便養未行擢登御史府進左司諫數請外  
上固留之宜人亦曰悉心報主所以慰我心也給事  
乃不敢言明年宜人竟不起實乾道元年八月壽七  
十有五後十四年而大夫卒宜人人生三子給事其仲  
也初葬縣之長遙山後別卜地於北山亭古城培之  
原淳熙六年八月甲寅葬焉給事爲少尹某備官於  
朝每云吾父滋老欲改葬吾母而未敢它日尙屬子  
銘予敬諾已而給事以直龍圖閣奉祀歸而大夫歿

書求踐言其何可食

宋相公橋記

淳熙八年  
文載歙縣志

吳儆撰

在歙縣

志見

在歙縣篁墩淳熙七年知府曹邦建吳儆記

徽州府志

記略云淳熙七年秋九月尚書郎曹侯來守新安歲大旱侯講求古今救災之政力行之又求其凡可以利人者謂橋梁不修昔人以爲刺史之過乃出其私帑屬富民梁其險塗有將仕郎程仔者嘗下其穀之直以助侯救災之令爲二石橋於休寧歙邑之境相公湖之側旣成求記於某侯名耜字仲本故節使開府公之子橋之成以八年十月相公湖者陳忠壯公起家之地俚俗以名其湖以湖名橋爲侯祝也陳仔



者忠壯公之裔

宋婺源縣建三賢祠記

淳熙八年

朱子撰

在婺源

宋淳熙辛丑知縣周師清建祀周濂溪程明道伊川

三先生文公朱子記

徽州府志

記略云淳熙八年三月周侯作周程三先生祠於婺源而書來謂熹記之熹惟三先生之道則高矣美矣而婺源非其鄉也非其寓也非其遊宦之邦而國之典未有秩也而祀之於禮何依於義何當則具以告且謝不敢後數月周侯又與邑處士李繪及學弟子數十人皆以書來曰惟三先生之學流傳及於天下而爲祠以致尊奉之意非敢以是閒命祀亦曰肖其容

使日夕瞻望而興起耳且吾邑得聞三先生之言者  
子之先君子有力焉今祠旣成矣願悉陳之庶其有  
發也熹發書愀然不敢復辭然熹之愚懼不足以言  
之雖然諸君獨不觀濂溪之圖與其書乎其大指不  
過講學致思以窮理而勝其私以復焉其施則善始  
於家而達之天下其具則復古禮變今樂政以養民  
而刑以肅之也是乃所謂伊尹之志顏子之學而程  
氏傳之以覺斯人者而豈有外乎諸君日用之閒哉  
遂書之以爲記以爲學者由是而用力焉則庶幾乎  
三先生之心不墜於地而吾先子之志賢大夫之意  
亦可以無負矣祠在講堂北壁下周先生南鄉坐二

程先生東西鄉以侑焉周侯名師清玉山人

宋新安道院記

無年月 朱子撰  
文載徽州府志

在休寧

未見

在休寧縣治東宋令祝禹圭建朱子記

徽州府志

記略云休寧大夫信安祝侯汝玉以書來曰邑有難治之名而吾爲之已再歲始不能不以爲慮中乃意其不然今則信其果不然也蓋其封域山峭厲而水激清故稟氣以生者不無過剛故難以力服而易以理勝以是吾始至不能無不說者而今則無以爲異吾常因其繁而今則無事之可爲也吾將更葺聽事之東以爲新安道院子爲記之則後之君子知所以爲治而無慮矣余惟汝玉之爲可以見其政成民服

然道之得名以人所共由之路而非無事之謂也汝  
玉始至左簿書右法律苦心勞力非有道以行之則  
何以致今日之無事哉余故邦人而汝玉又舊也樂  
其意爲書本末以示來者使此邦之俗賢宰之志尙  
有考云

宋建任公祠記

無年月

羅汝楫撰

在歙縣

佚

任公祠在府城南祀梁太守任昉歙人羅汝楫撰徽州府志

宋舒先生記

無年月

袁燮撰

在歙縣

未見

在府學西祀宋教授舒璘袁燮記

徽州府志

宋徽州修學記

淳熙十五年

羅頌撰

在歙縣

佚

宣和中廟學焚於陸寇紹興十一年知州事汪藻始復營建左廟右學中設知新堂闢八齋以處學者淳熙十五年丁未知州事許昌期重修羅郢州頌爲之記

徽州府志

按丁未爲淳熙十四年非十五年似有誤

趙紹祖識

宋休寧顏公山碑

無年月

羅頌撰

在休寧

佚

顏公山在縣南九十里上有湖廣五畝中多鯉魚昔有顏公隱此一旦乘風去歲旱禱輒應

新安志

按碑見程敏政新安文獻志而徽志顏公山但錄元邑人黃樞一詩然其結句云惟有雄文與世傳可見元時此碑尙存也

趙紹祖識

宋績溪縣學官書記

淳熙十五年

羅頌撰

在績溪

淳熙十五年知縣事葉楠買監本書經史子傳計二

千七百餘卷實於學歛羅郢州頌爲作官書記

徽州府志

宋績溪縣新開塘記

慶元元年

葉適撰

在績溪

文載水心集

記略云王君木叔宰縣之始行視民田驗其水田之

遠近塘塌之有無曰凡不得水者當別開塘農不可

曰安能壞見田又刻財與力創爲之也木叔曰是不

足告語遂結縮得餘錢請與監司買民田使爲之塘

所須撻椿木石皆買與之畢二年爲新塘六十八塌

六然後績溪之田無不得水或曰非常道木叔委曲

以就其民爾夫委曲以就其民而利之雖非常道斯

謂之仁矣木叔名柟永嘉人慶元元年五月二十日

宋故華文閣直學士贈特進程公墓誌銘

慶元元年  
楊萬里撰

在黟縣

佚

文載黟縣志

誌略云淳熙甲辰十月江西安撫使給事遺書曰江西詩祖於山谷先生派於陳徐諸賢謂之詩社而社中多遺詩某嘗搜得之今刻棗以傳而序引缺焉非君其誰宜爲萬里既呈似公公不以爲不可後八年被旨往上饒問囚公遣其子鉉見于逆旅蓋萬里相識而不相知者多矣未有不相識而相知者也公既歿鉉以行實來謁銘萬里慟哭曰已矣世無此知我者矣銘奚忍辭公姓陳諱叔達字元誠黟人年二十

三第進士中書連除興國軍光化軍教授又除湖州  
教授秩滿造朝以書抵時宰陳康伯請厲兵馬守淮  
漢遣閒諜理財用陳大喜以爲足強人意歷遷監察  
御史乾道二年兩浙大饑公行視奏均賑上大喜以  
母憂去服除知池州改衢州尋改江西轉運副使易  
江東鄉部也邦人謂晝繡云淳熙初除宗正少卿太  
子左庶子尋兼直學士院三年兼中書舍人權給事  
中奏敬天愛民有志事功三事以親老請外提舉武  
彝山冲佑觀明年丁憂服除除湖南轉運副使歷秘  
閣修撰知隆興府進集英殿修撰帥洪五年蠲除民  
賦二十三萬有奇談者以爲多於王仲舒云慶元二



年特除華文閣直學士封新安郡侯三年七月卒年

七十八贈特進葬於五年二月其鄉東亭其岡潭口

宋張九成詩碑無年月 未見

在三都培均園詩云萬仞巍然天嶂中瀉來碧落幾

千重森森檜栢松杉老又見黃山六六峰蓋汪樞致

政歸張過訪題此徽州府志

宋章山石壁題字開禧三年 未見

宋開禧丁卯汪仲舉等十二人同游題字刻石徽州府志

宋祁門縣建學記嘉定二年 林士謙撰 在祁門 未見

嘉定二年知縣事林士謙重建大成殿繪從祀於四

壁邑人謝璉等相與樂成之士謙自記徽州府志

宋休寧縣修學記

無年月 程泌撰 文載洛水集

在休寧

未見

記略云紹興中錫山先生陳公之茂來尉休寧遷學於南門之左今六十八年屋寢壞邑大夫毘陵張侯抃修之不異新宮尉吳門吳侯大淵克泄是役書三來託以紀事

宋徽州建朱子祠記

嘉定八年 黃翰撰 在歙縣 未見 文載徽州府志

朱子祠在儒學明倫堂右宋慶元六年公歿徽土卽州學繪而祀之其後郡守趙師端建祠今所勉齋黃

翰記

徽州府志

記略云太守趙師端改創於講堂之北師端與其兄弟皆從游於文公先生之門故其為政知所先務如

此堂成於嘉定七年八月董其役者歛令張涇云二月朔門人宣教郎新發遣漢陽軍兼管內勸農營田事事黃榦謹記

宋龍圖閣學士汪公墓誌銘

嘉定十三年在黟縣

佚 葉適撰 文載水心

誌略云乾道七年四月十二日簽書樞密院事兼權參知政事汪公勃薨年八十四十月己酉葬會昌鄉蜀里北莊村嘉定十三年曾孫綱以銘請公字彥人黔人年十八首州薦紹興二年類省院饒州登第主嚴州建德簿池州建德丞十三年除太常簿高宗厭戎馬罷諸將兵而名士大夫皆以父兄讎未報兵未

安微金石略卷二  
三  
當罷上患之擇不與趙張同好惡者居紀綱地公自  
御史臺檢法爲監察御史擢諫議大夫遷御史中丞  
十八年遂以端明殿學士副樞密院事兼攝東府事  
自秦檜志得惡同列偪己公欲有所建白常沮塞不  
得聞則歎息曰此豈件食處哉卽告上退就田里以  
舊職食宮觀祿檜死起知湖州上終始念公超秩三  
等葉義問上章毀詆奪學士孝宗初又詔復龍圖閣  
而公已薨遂追復焉在饒州也張琪兵突黟縣母舒  
氏幾不免寇退邑落土走十三四公奏名歸長幼各  
聚無一亡矣鄉人驚異旣貴封舒氏延康逮西府之

養云

按不與趙張同好惡則必與秦檜同好惡矣當時  
求賢之意如此而文章公然筆之而不知非甚矣

上下之相蒙也天下安得有真材出耶趙紹祖識

宋休寧先達續題名記

寶慶四年程泌撰  
佚 文載沼水集

在休寧

記略云寶慶丁亥冬海寧令君以書來曰邑進士題  
名植石校官今五十年字溢矣將伐石嗣之而未有  
以敘其錄予謂題名之設勸戒並著皇上膺圖受籙  
于今五年而來歲親策士士得吐所欲言非榮乎然  
姓名一登此石異日人將指之爲名臣是以道德聞  
功業顯名節著皆足以大吾鄉邦否則指其名曰是  
敗吾名教者是爲吾鄉邦累者則斯石也非石也夫

子之木鐸也其亦令君宣代之意乎令君應氏名塾  
天台人

宋建世忠廟記

寶慶閒

羅願撰

在歙縣

佚

在歙西南三十里篁墩祀陳程忠壯公靈洗公之故  
宅在焉宋寶慶中追封廣烈侯賜廟額曰世忠羅願

記

徽州府志

記略云距州三十里有地曰篁墩者程忠壯公墓與  
宅在焉宅既匯爲湖又卽其墓傍爲壇而祀之有方  
氏者以爲古之祭用壇後世肖像以棲神設牀以安  
像故自郊社之外百辟卿士皆廟食矧神出三代後  
乃獨用古之壇無益於寶乃以某年月爲屋若干楹

方氏之進士曰必東因願所善張師顏請記

宋建世忠廟碑記 紹定元年 程泌撰 在休寧 佚  
文載洛水集

記略云仰惟忠壯挺生梁朝今者蒙賜廟號世忠爰

卜湖濱之勝聿嚴廟貌之新紹定戊子孟春裔孫泌

謹記

按徽州府志所載羅願文者廟建於歙者也此從

洛水集錄出者廟建於休寧者也 趙紹祖識

宋徽州謝守生祠記 無年月 程泌撰 在歙縣 佚  
文載洛水集

記略云休寧吳君紹成以歙之鄉貢進士許君森書

來謂吾邦使君有善政有美功凡我同邑之人皆欲

象事之願得一言以信今而傳後竊聞其先正相國

之司江東常平也歲適大侵賑貸備至全活一百六十萬八千人宜其有子今又臨吾州哉

按所祀者郡守謝采伯為相國謝源明之子源明

前曾任徽守故文云云

趙紹祖識

宋婺源朱塘晦菴祠堂記

無年月

許月卿撰

在婺

晦庵祠祀朱子朱滕鉦因草堂為祠以其父璘叔琪

配享邑人許月卿記

徽州府志

按朱塘在婺源縣東朱子與門人滕璘遊見其山

水如昔夢中所見問其地對曰世業也朱子曰故

與子有神交者在因命作亭為書草堂二字貽之

故璘子鉦因為祠

趙紹祖識



宋黟縣建學記

端平初

程黻撰

在黟縣

未見

端平初知縣事舒泳之重建三門置文公祠於門內  
建明倫坊籍絕戶田二十畝於學以養士學正程黻

記

徽州府志

宋績溪縣重建朱文公祠記

端平元年  
在績溪縣

真德秀撰  
未見

績溪學直舍後春風亭舊為朱文公祠後遷東廡端  
平甲午知縣事李遇就舊基鼎新祠宇參政真德秀

記

徽州府志

宋婺源縣改遷廟學記

端平元年  
未見

尤焞撰

在婺源

嘉定壬午學燬於火知縣事朱復之改建於西湖之  
上紹定辛卯又火端平甲午知縣事許應龍復遷縣

西舊址未成而去邑人縣尉胡暎創禮殿又圖太學

禮殿宣聖像塑之以嚴奉祀朝奉大夫尤焞記徽州府志

宋三瑞亭記 端平間 劉炳撰 在歙縣 佚

宋端平中郡守劉炳建自為記 徽州府志

宋休寧縣修學記 嘉熙三年 方岳撰 在休寧 佚

嘉熙三年己亥知縣吳遂修之端明殿學士程泌以

已資更建正殿祁門方岳記 徽州府志

宋風泉雲壑記 無年月 方回撰 在歙縣 佚

在南門紫陽書院宋郡守韓補建元方回記 徽州府志

按韓補以淳祐五年任徽州至七年而趙與弼代

之則記當作於此二年時方回未入元也而徽州

府志書曰元方回記殆春秋之意云

趙紹祖識

宋歙縣建學記

淳祐十年

呂午撰

在歙縣

佚

縣附郭而不置學淳祐庚戌郡守謝堂始建於縣治左買田二頃有奇邑人左史呂午記

徽州府志

宋相儒堂記

無年月

在歙縣

未見

在府治南門內古郡學大成殿東宋相程元鳳讀書之所寶祐中知州事趙汝澤建堂以祀之後廢碑刻

移砌大成殿墻左

徽州府志

宋十八進士題名鐘

咸淳九年

在歙縣

未見

在儒學明倫堂城東隅李姓宋咸淳中應進士舉者十七人題名有咸淳九年中元日字

徽州府志

宋環綠亭記

無年月

胡炳文撰

在婺源

佚

在婺源儒學山右宋汪子英建元胡文炳記

徽州府志

元立晉新安太守程公墓碑

無年月

方回撰

佚

太守名元譚墓在府城西歙程氏始祖

輿地廣記

元立晉新安太守程公墓碑

無年月

程逢午撰

佚

按以上二碑皆見程敏政新安文獻志

趙紹祖識

元休寧縣修學記

至元二十八年

杜與可撰

在休寧

至元辛卯邑人朱震雷重修行省檢校官杜與可記

徽州府志

按虞道園後至元五年修學記云至元二十九年

廉訪分司茂公關山謁廟邑士朱震雷請出私財

重建記之者行省檢校官杜與可題其碑端者翰  
林學士涿郡盧公摯也其言較府志為詳惟至元  
辛卯是二十八年而云二十九年者當是告成於

二十九年而行文小誤耳 趙紹祖識

元時雨亭記 無年月 訥懷撰 在婺源 佚

在婺源二都石龜潭上元達魯花赤訥懷於潭禱雨

有應因建亭自為記 徽州府志

按徽州府志職官門訥懷於前至元中任 趙紹祖識

元孝善胡先生墓誌銘 元貞二年 戴表元撰 在婺源 文載黟縣志

誌略云元貞乙未十月十七日婺源鄉先生胡公卒

門人子弟俞洪等一百十五人相與私諡為孝善先

生公本出唐李氏五季之亂逃寄於考水之胡因籍  
焉八世至國子司業伸與汪內翰藻齊名自是四世  
有精易撰易傳史纂號易簡居士諱師夔於公爲父  
公諱斗元字聲遠少從朱文公從孫小翁受書說聞  
居士所授易學刻意探述日玩一爻至七日則通六  
爻亦以此教其徒往往高捷鄉國有司不足以知公  
至輒聞罷卒年七十有二諸子以丙申秋七月葬公  
於考水之高倉太守涿鹿翟侯大書曰孝善先生之  
墓其子炳文以狀來丐銘

元休寧縣葺齋舍并建文公祠記

大德五年 徐拱辰  
撰 在休寧 佚

郡守布伯廉等勉諸生整葺齋舍朱震雷獨建文公

祠教授徐拱辰記

徽州府志

元加封孔子制誥碑

大德十一年

在績溪

存

正書下層刻徽州路儒學指揮二道至大三年四月

刻在績溪

寰宇訪碑錄

元新安洞真觀碑

至大二年

在祁門

未見

張仲壽撰并正書至大二年十月

寰宇訪碑錄

元黟縣修學記

至大四年

李鳴鳳撰

在黟縣

未

至大辛亥縣尹黃甫洑構講堂門廡齋舍鑿池築垣

山長李鳴鳳記

徽州府志

元徽州路儒學旨揮

至大三年

在績溪

存

右徽州路儒學旨揮二道刻於加封孔子詔書之下

方其一云承奉江浙等處行尙書省劄付該准尙書  
省咨至大二年十二月十九日太保三寶奴丞相奏  
在先孔夫子漢兒帝王雖是封贈了不曾起立碑石  
來如今各處行與文字封贈了於贍學地土子粒內  
交立碑石呵今後學本事的人肯用心也者奏呵奉  
聖旨是有那般者欽此照得先據御史臺呈亦爲此  
事已經遍行去訖咨請欽依施行云云按元史武宗  
紀大德十一年七月辛巳加封至聖文宣王爲大成  
至聖文宣王其立碑則紀所未載三寶奴元史無傳  
其拜太保年月紀亦失之三公表書於至大三年以  
此碑攷之則二年之冬已爲太保矣碑在績溪縣學



加封詔書石刻所在多有而尙書省咨獨見於此潛研  
堂金石文跋尾續

元徽州路李總管德政碑記

至大三年在黟縣

鮑元蒙撰

未見文載黟

縣志

記略云黟里二十戶八千地多烏鹵莫能樹以桑不  
繭不絲以故夏稅悉以折納爲常制至大己酉本邑  
之令驟更萬目睽睽喘息失措天惠吾徽總管李侯  
聿來司牧哀我人斯奮然以折色爲己任曰吾安可  
責其所無以病吾民哉乃馳駟騎排省闥諤諤矢言  
與眾請命復仍舊貫郡民且歌且謠欲相率建道場  
爲侯謝余憮然曰豈一感恩道場而能加於千載之

石哉乃拾輿人之誦而詠歌之侯真定人名賢翼勵  
齋其號也至大三年仲冬邑人醫學教授鮑元蒙記  
黟縣尹兼勸農事皇泣書

元婺源明經書院記

延祐三年

吳澄撰  
文載吳文正公集

在婺源

在考川元至大中里人胡淀爲其遠祖唐明經昌翼  
建爲屋二百間捐田三百畝從弟澄捐田五十畝充  
祭祀及師生廩餼知州黃惟中聘胡炳文掌教事爲  
請於朝賜額曰明經銓註山長一員國子司業吳澄  
記 徽州府志

記略云新安胡氏之先唐末有以明經舉者十四世  
孫淀建塾於其讀書之所旣而病其湫隘與族父炳

文第澄議改築西山之麓爲屋數百楹右大成殿左  
會講堂又其左齋廬四其前二塾曰明誠曰敬義山  
巔構亭據高望遠經始於至大庚戌落成於皇慶壬  
子昇以土田輸其歲入以養師弟子知州黃侯惟中  
聘炳文掌教事請於上而以明經書院名明經府君  
諱昌翼所居曰考川在婺源北三十里延祐丙辰三  
月甲子文林郎前國子司業臨川吳澄記

元重建忠孝坊記

延祐六年 陳櫟撰  
見 文載定宇集

在歙縣

未

記略云旌善以坊新安郡合城坊二十有六其關君  
親大倫足以示勸者惟忠孝坊爲然坊始於前太守  
魏公克愚爲諫議盧公臣忠暨諫議六世孫郡學掌

儀鐔建也諫議黜人政和閒上舍及第高廟南渡以  
右正言扈蹕幸金陵寇逼御舟公暝叱之蒼黃踏兩  
舷溺而卒拱立江底上憫焉贈右諫議大夫葬黟之  
南岡端平閒詔立祠賜號褒忠子孫蟬聯世其家掌  
儀則尤馳譽者母唐病危藥莫療刲股食母隨以安  
郡守嘉歎由掌儀之孝推諫議之忠標其居榜其坊  
魏公可謂知務矣坊燬於元貞元年九月逮皇慶元  
年十一月重建歙縣尹張侯某身任之延祐六年八  
月陳櫟記

元婺源州建鄉賢祠記

泰定元年源未見

胡炳文撰文載徽州府志

在婺源

泰定甲子邑人李諭程鼎新獻議知州史光祖建鄉

賢祠以祀二程朱子雲峰胡炳文撰 徽州府志

記略云鄉賢祠祀二程夫子何也孔子之先宋人孟子魯公族河南實新安篁墩忠壯公後也紀新安人物而不書程子是譜宋之後而不書孔子系魯公族而不書孟子非闕典與

元傅巖處士汪公孺人吳氏墓誌銘 泰定四年 陳櫟撰 在黟縣 未

見 文載定字集

誌略云黟人俗淳古所稱小桃源隱君子樂居之傅巖處士汪公之先世自宣之新建徙而家焉公諱元字元善篤學研經鄉先生亟稱之謂將摘髭一第而鼎命革矣壹是以古爲師鄉稱善人丙子軍變肆屠

燎公所居鄉賴公安堵至大己酉四月無疾而逝年  
五十一妻吳氏綜理家務十有六年沒於泰定甲子  
三月年六十四卜吉分水之原合葬以乙丑二月襄  
事其子以行實諉陳某謹誌之

按誌意汪公蓋宋末人入元隱居不仕故足銘也  
趙紹祖識

元東山精舍記

無年月  
學中

虞集撰

今刻石存休寧縣

在休寧縣西北十五里龍源趙沆從江西黃楚望受

春秋歸築精舍東山上虞集記之

徽州府志

元復闕里祭田記

無年月

虞集撰

在婺源

未見

初韋齋仕闔時質田百畝友人張敦頤爲贖而歸之

朱子歸婺源省墓以田授族人掌之備祭費族人竊  
售歙人鮑元康贖之復歸朱氏虞道園爲作復田記  
徽州府志

元歙縣橫山記

無年月 鄭玉撰  
載徽州府志

在歙縣 未見 文

記略云歙東南接杭之昌化自昱嶺關至郡城百里  
而遠出入山谷閒無跬步夷曠者宋岳武穆王提兵  
過境溪水大漲軍不可前王命大眾伐山開道由三  
嶺出遂爲康莊省其程之一二百年於茲矣獨葉村  
之下地曰橫山號最險處至元中討平西坑寨之亂  
里人洪聲甫爲路以通軍事出臨時不能經久其孫  
節夫與弟仲德季安鳩二伐山如砥如掌又築亭以

休行者而祀武穆王於其中子懼王之遺蹟國史未  
載久將無聞乃併書之使節夫刻之道左

元建孝女二姑廟記

無年月見

鄭玉撰

在歙縣

未

在郡城南二十五里二姑廟亦曰義姑嶺孝女廟者  
祀唐章氏二女也其地若橋若村若里皆以孝女得  
名歲久廟廢嶺仍故名元時洪節夫卽青山庵之前  
軒四楹肖像其中鄭玉記

徽州府志

按唐書劉贊傳贊爲歙州刺史野媪將爲虎噬幼  
女呼號搏虎俱免觀察使韓滉表贊治有異行加  
金紫而不詳女之姓據徽州府志章氏二孝女者  
章預之女偕母登山采桑徒手救母於虎口復終



身奉母不嫁刺史劉贊蠲其戶稅改所居合陽鄉

為孝女鄉是可以補史之未備也 趙紹祖識

元婺源州重建謹堂齋舍藏書閣記 後至元元年 吳師道撰 在婺源

未見

後至元乙亥知州干文傅重建講堂齋舍藏書閣縣

尹吳師道記 徽州府志

元績溪縣重修學記 後至元二年 周萬石撰 在績溪 未見

宋學至元丙子燬於兵學基為軍營所據教諭胡遂

孫買民屋綿蕝以奉聖像後遷於縣西隅庚寅復火

於盜大德丙午縣尹張綱重建廟堂門廡齋舍延祐

戊午縣尹劉亨晉重建櫺星門發講堂地又鑿石以

造泮橋至元丙子重修教諭周萬石記 徽州府志

元黟縣學置田養士記 至正元年 胡默撰 在黟縣 未見

至正辛巳縣尹陳正孫勸民助田養士胡默記 徽州府志

元重建休寧縣學記 至正五年 虞集撰 在休寧 未見 文載休寧縣志

記略云至正五年三月吳興唐子華為邑令始至謁

廟延邑之老人建康路判官致仕汪君巽元等升堂

謀興其學略計其材木工費皆曰此不過前數十年

繕完之費耳行之有道用無旁落作之有法工有成

能則雖數百年可也分任而歡趨之起手於六月告

成於十月可謂敏也已矣

元黟縣儒學新增田糧記 至正六年 胡默撰 文載黟縣志 佚

記略云黟在秦漢時爲大縣厥後分布地隸徽爲下  
邑其學校庾積米僅十三石粢盛不給官師祿膳弗  
可言矣至正五年冬宣城陳侯眞孫來尹是縣首謁  
孔子廟訪咨徬徨謂其鄉人敦諭李熊曰學校者教  
養之地有虞氏庠曰米廩孟子曰庠者養也夫豈無  
故乃會監縣等諸君明倫堂上致邑士曰古之於民  
聚而教之教而貢之微養不可也田不井授士無恆  
產貧者安能務學富者施予二氏不悛孰若相學養  
士使其子弟講尊君親上之道鄉稱處士出爲名公  
卿豈非諸君子之樂哉聞者感激獻田明年春伐石  
馳書胡默請記其事侯字善甫教諭字舜臣

元橫岡重修汪王廟碑記

至正十年 黟縣 佚

汪克寬撰 在 文載黟縣志

記略云黟縣橫岡故有汪王廟歲久隕圯至正四年

二月邑人程儀鳳兄弟捐資改作十年四月儀鳳請

予文勒諸麗牲之碑

元重建張許二將軍廟碑

至正十二年 歙縣 存

程文撰 在 文載歙縣志

碑略云去歙西三十里曰潛口有張許二將軍廟至

正十一年夏紅巾犯郡縣大肆焚掠祠燬明年賊平

民復業復建祠故址以棲神述其事請記故書之因

繫以樂神之事三章俾竝鑱諸石

按張睢陽廟江淮郡縣多有其稱曰東平王者則

不知其所始歙建雙廟而稱曰張許二將軍又一

異也 趙紹祖識

元黟令周侯政績記

無年月

趙汭撰

在黟縣

存

文載黟縣志

記略云國家旣平羣盜所復州邑大師得承制具官  
時永嘉周侯君儒宰吾徽之黟縣卓然以廉能著稱  
至正十三年三月侯始至官有使者至勸民入粟實  
軍儲侯言兵火之餘不宜科擾府帖下錄諸從事者  
家侯言詔書已釋罪錄其家非德意吏言官軍始至  
給民印號以明歸正民不至者當籍侯曰此或轉徙  
避寇或從軍效用何遽論爲盜又有命徵郡邑大家  
城郡治侯力言小縣瘡傷後不堪重役皆得免又募  
民耕七都廢田假其種禁邑穀不得出境至六七月

米斗值十餘千人始服其遠見所耕荒田大稔民賴以活者千餘家侯以發陰私不畏強禦爲怨家所傾然事本末吏牘具存雖巧詆莫能文致直以非罪罪之而已

按記所載周侯政績甚多不能具錄姑掇其大者惟記言以非罪罪之竟不知何事檢黟名宦志亦無之但得其名爲周希濂而已記累數千言而事不詳又僅舉侯字而逸其名何也至徽州府志載侯名宦但取侯未仕前事成傳及至正十三年爲黟令後更不著一語其用意尤可異也

趙紹祖識

元鄭公鈞臺記

至正十六年

鄭玉撰

在歙縣

未

見文載徽州府志

玉自記曰歙南山水最勝浙江出焉由浙源百餘里  
至縣境曰富登渡予過吳虎臣數往來其處或坐或  
釣輒徘徊不能去人因名鄭公釣臺淮閩余公篆隸  
妙天下聞余之有是石也大書鄭公釣臺四字以寄  
至正十六年秋八月予以被詔辭還留虎臣所始取  
余公所書刻之臺前而記其所以得名之故鐫諸石  
里人鮑葉爲余結草堂其側

元小金山記

無年月

鄭玉撰

在歙縣

佚

按碑見程敏政新安文獻志而徽志載歙有紫金山  
黃金山大金山貴金山而不載小金山遂未有  
以攷

趙紹祖識

元鄭令君廟碑

至正間程文撰  
文載歙縣志

程文撰

在歙縣

未見

碑略云鄭令君廟者歙人祀其故令鄭君於廟也鄭君名安歙人以一言解屠城之師令歙三年民大治其歿也思之數十年不能忘於是共立香火於城西之憩棠庵久之以為未稱崇禮之意即庵旁立廟又以廟臨大道煩囂非神所居乃踰溪二里營高敞地近令君之墓更作新廟具石請於新安程文書其事刻廟中廟起於後至元某年遷於至正某年

按歙志鄭安字子寧宋亡之明年李世達叛李朮

魯敬駐兵昱嶺將屠城安叩軍門請曰亂者一人今已定民爭具牛酒以俟將軍何罪而欲屠之乃



獲免以安為歙令文中未詳其事附錄之又攷宋亡之明年乃前至元十七年歲在庚辰至後至元元年歲在乙亥蓋相去五十五年而廟始建也趙紹祖識

元祁門縣中山書堂記無年月 唐元撰 在祁門 未見 文載徽州府志

在桃墅元里人汪應嘗構書堂號中山處士其子克

寬以為講肄所歙唐元記徽州府志

元歙州教授邵文肇墓碑無年月 虞集撰 在歙縣 未見

墓在班政門外元學士虞集為題寓賢碑徽州府志

元雙清道院記無年月 汪克寬撰 在休寧 佚

在休寧縣南楓林園有汪克寬記今廢徽州府志

元重建明經橋記

無年月 見

胡次焱撰

在婺源

未

在婺源考川本唐胡昌翼建元胡安國重建胡次焱

記 徽州府志

元紫陽書院記

無年月

陳浩撰

在徽州

未見

元陳浩紫陽書院記在徽州府學

天下金石志

按徽州紫陽書院有二而志皆不載有陳浩記不

知天下金石志何所據

趙紹祖識

元婺源三格鎮汪端公祠堂記

無年月 在婺源

汪澤民撰

祀唐銀青光祿大夫檢校太子賓客上柱國汪瀆

徽州

府志引新安文獻志

安徽金石略卷二